



Suid-Afrika se hokkie-heldin, Pietie Coetsee, trek los tydens gister se Wêreldliga-wedstryd teen Azerbeidjan in Kaapstad.

**7-0**

# Proteas sla haal Wêreld

**MARIZANNE KOK**  
Johannesburg

**D**ie Suid-Afrikaanse vroue-hokkiespan het hul plek in die halfeindronde van die Wêreldliga gisteraand bespreek toe hulle Azerbeidjan in Kaapstad met 7-0 afgeslag het.

Die Proteas het daarmee hul onoorwonne status in die tweede ronde van die Wêreldliga behou en verseker dat hulle bo-aan die puntetabel sal eindig, ongeag die uitslag van vandag se wedstryd teen Oostenryk. Die beloning daarvoor is speelkans in die liga-half-eindronde in Junie in Europa.

Die Suid-Afrikaners was roekeloos in hul vermorseling van

**256**

**Pietie Coetsee se aantal doele in 257 toetse. Dit is 'n wêreldrekord.**

die hulpelose besoekers. Met die uitsondering van 'n paar benoude eerste minute het hulle deurgaans die kitaar geslaan en die doelhok met reëlmaat laat raas.

Wéér aan die voerpunt van 'n veel verbeterde SA span was die kwiksilwer Pietie Coetsee, wat haar tweede driekuns in drie aande behaal het.

Donderdagaand het sy België die eerste span teen wie die

Proteas verlede week in haar afwesigheid nie hond haaraf kon maak nie - eiehandig op hul baadjie gegee. En gisteraand het sy nie die kans laat verbygaan om dieselfde pyn aan Azerbeidjan uit te deel nie.

Coetsee het haar wêreldrekord aan internasionale doele in die proses opgestoot tot 256, in 257 toetse.

Sy het nou agt doele in haar laaste drie toetse aangeteken.

Die veteraan Tarryn Bright was ook 'n doring in Azerbeidjan se vlees en het twee doele bygedra. Die ander is aangeteken deur Dirkie Chamberlain en Jade Mayne.

**Regs: Shelley Russell en Lyudmila Chegurko veg om besit.**

